



PANDUAN MENGENALI KHURAFAT DAN AZIMAT

Panduan ini telah diputuskan dalam muzakarah Majlis Fatwa Negeri Sabah Bil. 4 Tahun 2017 yang telah bersidang pada 22 - 23 November 2017M/ 3 - 4 Rabiulawwal 1439H, bertempat di Bilik Seri Beringgis, TH Hotel & Residence, Kota Kinabalu, Sabah.

PEJABAT MUFTI NEGERI SABAH

PRA KATA
YANG BERBAHAGIA MUFTI KERAJAAN NEGERI SABAH

بِسْمِ اللَّهِ الرَّحْمَنِ الرَّحِيمِ
السلام عليكم ورحمة الله وبركاته

Segala puja dan puji-pujian dirafa'kan kepada Allah SWT di atas segala limpahan nikmat dan Iradah serta keizinan-Nya Pejabat Mufti Negeri Sabah dapat menerbitkan risalah berkenaan “**Panduan Mengenal Khurafat dan Azimat**” untuk dijadikan rujukan masyarakat Islam. Sebagai makluman panduan ini telah diperakui oleh Ahli Majlis Fatwa Negeri Sabah pada muzakarah Majlis Fatwa Negeri Sabah Bil. 4 Tahun 2017 yang telah bersidang pada 22 - 23 November 2017M/ 3 - 4 Rabiulawwal 1439H, bertempat di Bilik Seri Beringgis, TH Hotel & Residence, Kota Kinabalu, Sabah.

Amalan khurafat merupakan cerita rekaan atau khayalan, ajaran-ajaran, pantang larang, adat istiadat, ramalan-ramalan, pemujaan atau kepercayaan yang menyimpang dari ajaran Islam. Manakala azimat pula barang (tulisan) yang dianggap mempunyai kuasa sakti apabila dijampi atau dipuja, ianya boleh menunaikan segala hajat pemakainya sama ada untuk melindungi dirinya atau memudaratkan orang lain. Kepercayaan dan amalan yang sedemikian itu boleh membawa kepada syirik dan penyelewengan akidah serta syariah Islam.

Semoga risalah yang ringkas ini akan dapat memberikan manfaat dan panduan kepada masyarakat Islam untuk mengelak dan seterusnya menjauhi kepercayaan khurafat dan azimat yang nyata bertentangan dengan akidah mahupun syariah Islam.

Sekian Wassalam.



SS DATUK USTAZ HAJI BUNGSU @ AZIZ BIN HAJI JAAFAR



TAKRIF KHURAFAT

- (a) Menurut al-Mu'jam al-Wasith (المعجم الوسيط) Juzu' 1, hal. 237 khurafat ditakrifkan sebagai:

الْخُرَافَةُ: الْحَدِيثُ الْمُسْتَمْلِحُ الْمَكْذُوبُ

Maksudnya: “cerita-cerita yang mempesonakan yang dicampuradukkan dengan perkara dusta.”

- (b) Menurut kamus al-Munjid fi al-Lughati wa al-I'lam (المنجد في اللغة والإعلام), hal. 175:

الْخُرَافَةُ ج خُرَافَات: الْحَدِيثُ الْبَاطِلُ مُطْلَقًا

Maksudnya: “al-Khurafat, jamaknya khurafāt ialah sebarang cerita yang sebenar-benar dusta.”

- (c) Menurut kamus Idris al-Marbawi, hal. 169 pula khurafat ialah: cerita karut (karut marut).

Dari beberapa definisi yang dinyatakan, dapatlah dibuat kesimpulan seperti berikut:

“Khurafat ialah semua cerita sama ada rekaan atau khayalan, ajaran-ajaran, pantang larang, adat istiadat, ramalan-ramalan, pemujaan atau kepercayaan yang menyimpang dari ajaran Islam.”

Berdasarkan takrif di atas, khurafat merangkumi cerita dan perbuatan yang direka dan bersifat karut dan dusta.

TAKRIF AZIMAT

Takrif Azimat pula menurut al-Mu'jam al-Wasith (المعجم الوسيط), hal. 621 ialah:

nama hantu dan jin, kemudian disudahi dengan ucapan “Berkat kata Lailahailallah Muhammadar Rasulallah” atau seumpamanya.

PENUTUP

Kesimpulannya, segala bentuk khurafat dan azimat sama ada yang berbentuk amalan atau kepercayaan boleh membawa kepada syirik dan kepada perkara yang bertentangan dengan akidah dan syariah Islam.

Rasulullah! Bagaimana pendapat tuan dalam hal ini? Beliau bersabda: Perlihatkanlah kepadaku jampi-jampimu itu, Tidak mengapa melakukan jampi-jampi itu selama tidak mengandung hal-hal syirik.”

(Riwayat Muslim)

Menurut Dr. Yusuf al-Qaradawi di dalam kitab Fatawa al-Mu’asirah, (Jilid 1, hal. 194) sesuatu jampi itu harus dilakukan berdasarkan kepada 3 syarat:

- i. Ia mesti didasarkan kepada Allah SWT dan nama-nama-Nya.
- ii. Ia mestilah dituturkan dengan bahasa Arab dan kata-kata yang boleh difahami maknanya.
- iii. Beriktikad bahawa ianya tidak memberi kesan dengan sendirinya, tetapi dengan takdir Allah SWT.

Di dalam amalan perubatan tradisional, terdapat jenis-jenis jampi yang dibolehkan (diharuskan) dan ada yang diharamkan. Jampi- jampi tersebut ialah:

- i. Jampi yang diharuskan:
Jampi jenis ini ialah jampi yang menetapi 3 (tiga) syarat seperti yang dinyatakan di atas.
- ii. Jampi yang diharamkan:
Jampi yang ditegah dan diharamkan ialah jampi yang mengandungi unsur-unsur syirik, pemujaan jin, syaitan, menggunakan bahasa-bahasa yang tidak difahami atau yang bercampuraduk, seperti jampi yang dimulakan dengan Bismillah atau Alhamdulillah dan diseru nama-

العزيمة : الرقية

Maksudnya: “Azimat: Jampi.”

Menurut Dr. Yusuf al-Qaradawi di dalam bukunya Fatwa Mu’asirah, (hal. 189) ialah:

الرقية: "ان يرقى الشخص ويعزم عليه بكلام لا يفهم."

Maksudnya: “Bahawa seseorang itu berjampi dan berazimat dengan kata-kata yang tidak dapat difahami.”

Di dalam kamus al-Mu’jam fi al-Lughah wa al-I’lam (المنجد في اللغة والإعلام), hal. 276 juga disebut bahawa azimat ialah al-Ruqyah (الرقية) iaitu memohon pertolongan atau bantuan untuk memperoleh sesuatu perkara dengan menggunakan kekuatan yang melampaui kekuatan tabi’i.

Menurut kamus Dewan, (hal. 70) Azimat ialah:

“Barang (tulisan) yang dianggap mempunyai sakti dan dapat melindungi pemakainya.”

Berdasarkan takrif-takrif yang diberikan di atas, kesimpulannya azimat ialah suatu bentuk permohonan untuk mendapatkan pertolongan atau bantuan bagi manfaat diri sendiri atau untuk memudharatkan orang lain dengan menggunakan objek-objek dan ayat tertentu yang dianggap mempunyai kesaktian dan kuasa-kuasa ghaib yang melampaui kekuatan semulajadi apabila dijampi atau dipuja.

CIRI-CIRI KHURAFAT DAN AZIMAT

Di antara ciri-ciri khurafat ialah:

- (a) Ianya tidak didasarkan pada nas-nas syarak sama ada al-Quran atau al-Hadith.

- (b) Ia merupakan cerita-cerita rekaan, dongeng, khayalan atau kepercayaan karut.
- (c) Ia bersumberkan kepada kepercayaan-kepercayaan lama dan adat yang bercanggah dengan Islam.
- (d) Ia berbentuk pemujaan dan permohonan kepada makhluk halus untuk tujuan yang memudharatkan dan menyeleweng dari akidah Islam.
- (e) Ia menggunakan objek-objek tertentu seperti kubur, pokok dan sebagainya untuk tujuan yang tertentu.
- (f) Ia ada mempunyai unsur-unsur negatif pada akidah dan syaria Islam.

Sementara ciri-ciri azimat pula ialah:

- (a) Kepercayaan kepada kekuatan sesuatu benda bukan berdasarkan kepada nas-nas syarak sama ada al-Quran atau al-Hadith.
- (b) Menjadikan tulisan-tulisan, rajah-rajah dan objek-objek tertentu sebagai tangkal.
- (c) Menggunakan jampi serapah yang dicampuradukkan dengan perkara-perkara kufur yang boleh membawa kepada syirik.
- (d) Berjampi kepada objek-objek atau rajah-rajah yang dicampuraduk dengan ayat-ayat al-Quran untuk tujuan tertentu.

Rasulullah SAW bersabda lagi:

عن عمران بن حصين قال : قال رسول الله صلى الله عليه وسلم: لَيْسَ مِنَّا مَنْ تَطَيَّرَ أَوْ تُطَيِّرَ لَهُ أَوْ تَكْهَنَ لَهُ أَوْ تُكْهَنَ لَهُ أَوْ سَحَرَ أَوْ سُحِرَ لَهُ. (رواه الطبراني)

Maksudnya: *“Bukan dari golongan kami sesiapa yang merasa sial atau meminta diramalkan kesialannya atau menenung nasib atau minta ditenungkan atau mensihirkan atau meminta disihirkan.”*

Amalan penggunaan azimat atau tangkal sebagai pelindung diri seperti ilmu kebal, ilmu pengasih, ilmu pelemah hati, ilmu penjauh jin dan sebagainya yang dicampuradukkan dengan sihir adalah syirik dan menyeleweng dari ajaran Islam. Di dalam hadis riwayat Abu Daud dan Imam Ahmad, Rasulullah SAW pernah bersabda:

عن ابن مسعود رضی الله عنه، قال رسول الله عليه وسلم: إِنَّ الرُّقَى وَالتَّمَائِمَ وَالتَّوَلَةَ شِرْكٌ. (رواه أبو داود وأحمد)

Maksudnya: *Dari Ibn Mas’ud, katanya: “Rasulullah SAW telah bersabda: Sesungguhnya jampi mantera, tangkal dan ilmu pengasih adalah syirik.”*

(Riwayat Abu Daud dan Ahmad)

Jampi mantera juga merupakan bentuk azimat yang seringkali dilakukan sabda Rasulullah SAW:

عن عوف بن مالك قال: كُنَّا نَرْقِي فِي الْجَاهِلِيَّةِ فُقُلْنَا: يَا رَسُولَ اللَّهِ كَيْفَ تَرَى فِي ذَلِكَ؟ فَقَالَ: اعْرِضُوا عَلَيَّ رُقَاكُمْ، لَا بَأْسَ بِالرُّقَى مَا لَمْ يَكُنْ فِيهِ شِرْكٌ.

(رواه مسلم)

Maksudnya: *“Dari ‘Auf Ibn Malik, katanya: Dahulu kami melakukan jampi di zaman jahiliyah, lalu kami bertanya: Wahai*

Amalan memuja jin dan memohon pertolongan darinya seperti yang selalu dilakukan oleh seseorang bomoh dan dukun adalah syirik dan menyesatkan. Orang-orang yang bersahabat dan menggunakan jin seperti tukang sihir dan tukang tenun adalah tergolong di dalam golongan orang-orang yang bodoh dan menzalimi diri sendiri. Ini dijelaskan oleh firman Allah SWT:

وَلَا تَدْعُ مِنْ دُونِ اللَّهِ مَا لَا يَنْفَعُكَ وَلَا يَضُرُّكَ، فَإِنْ فَعَلْتَ فَإِنَّكَ إِذَا مِنَ الظَّالِمِينَ
(سورة يونس: 106)

Maksudnya: *“Dan janganlah engkau menyembah atau memuja yang lain dari Allah, yang tidak dapat mendatangkan manfaat kepadamu dan juga tidak dapat mendatangkan mudarat kepadamu. Sekiranya engkau mengerjakan yang demikian maka jadilah engkau orang-orang yang berlaku zalim (terhadap diri sendiri dengan perbuatan syirik itu).”*

(Surah Yunus: 106)

Sabda Rasulullah SAW:

عَنْ أَبِي هُرَيْرَةَ رَضِيَ اللَّهُ عَنْهُ قَالَ : عَنْ النَّبِيِّ صَلَّى اللَّهُ عَلَيْهِ وَسَلَّمَ : مَنْ أَتَى عَرَّافًا ،
أَوْ كَاهِنًا فَصَدَّقَهُ بِمَا يَقُولُ ، فَقَدْ كَفَرَ بِمَا أَنْزَلَ عَلَى مُحَمَّدٍ صَلَّى اللَّهُ عَلَيْهِ وَسَلَّمَ"
(رواه أحمد والحاكم)

Maksudnya: *“Barangsiapa yang menemui tukang tilik atau tukang sihir dan menanyakan sesuatu kepadanya lalu terus mempercayai apa yang dikatakannya, maka sesungguhnya ia telah mengkufurkan apa yang telah diturunkan kepada Nabi Muhammad SAW.”*

(Riwayat Ahmad dan Hakim)

BENTUK-BENTUK KHURAFAT DAN AZIMAT


Di antara bentuk-bentuk khurafat ialah:

- Kepercayaan kepada keramat seperti kubur, pokok kayu, telaga keramat, batu, bukit, tongkat dan sebagainya.
- Kepercayaan kepada sial majal seperti adat mandi safar, adat mandi membuang sial dan sebagainya.
- Kepercayaan kepada jin dan memohon pertolongan darinya seperti adat memuja kampung, adat merenjis tepung tawar, adat pantai dan sebagainya.
- Kepercayaan kepada bertambah dan berkurangnya rezeki seperti adat memuja semangat padi yang dilakukan oleh petani-petani seperti bersemah (memuja semangat padi) dan membuang ancak di sungai dan laut dan bermain pantai.
- Kepercayaan kepada petanda-petanda dan pantang larang, contohnya seperti tidak boleh melihatkan bayi di muka cermin kerana kelak ia akan mati di dalam air. Tidak boleh keluar ketika gagak berbunyi, takut mendapat sial atau bala dan sebagainya.
- Percaya kepada amalan-amalan bintang, angka-angka atau rajah-rajah tertentu.
- Memuja objek-objek tertentu, roh nenek moyang, kubur-kubur yang dianggap wali dan sebagainya.

Sementara bentuk-bentuk azimat ialah:

- Menjampi batu, cincin, rantai, baju, keris dan sebagainya untuk dijadikan pelindung diri seperti ilmu kebal, ilmu pengasih dan sebagainya.

- (b) Membungkus tulisan-tulisan, rajah-rajah atau objek-objek tertentu dengan kain kuning untuk dijadikan tangkal.
- (c) Menjampi tulisan-tulisan yang tidak diketahui maknanya seperti الصلاة dan dicampuradukkan dengan ayat-ayat al-Quran contohnya:



- (d) Berjampi atau berazimat menggunakan kata-kata dicampuradukkan dengan kata-kata sihir dan kufur yang tidak diketahui maknanya, contohnya:

“Bikana, makna, Nabi Yakun, Numa Yakun Akulah sebenar-benar Zat Allah.”

HUKUM BERAMAL DENGAN KHURAFAT DAN AZIMAT

Islam sangat menitikberatkan soal-soal akidah dan syariah. Segala amalan dan kepercayaan yang tidak berdasarkan kepada sumber-sumber yang asal seperti al-Quran, al-Hadith, Ijma' dan qias adalah ditolak oleh Islam.

Sabda Rasulullah SAW:

عَنْ أُمِّ الْمُؤْمِنِينَ أُمِّ عَبْدِ اللَّهِ عَائِشَةَ - رَضِيَ اللَّهُ عَنْهَا - قَالَتْ: قَالَ رَسُولُ اللَّهِ: مَنْ أَحَدَثَ فِي أَمْرِنَا هَذَا مَا لَيْسَ مِنْهُ فَهُوَ رَدٌّ (متفق عليه)

Maksudnya: *“Barangsiapa mengada-adakan di dalam agama kami sesuatu yang tidak ada di dalamnya, maka yang dikerjakan itu adalah tertolak.”*

(Riwayat Bukhari dan Muslim)

Sabdanya lagi:

عَنْ عَائِشَةَ - رَضِيَ اللَّهُ عَنْهَا - قَالَتْ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: مَنْ عَمِلَ عَمَلًا لَيْسَ عَلَيْهِ أَمْرُنَا فَهُوَ رَدٌّ (رواه أحمد ومسلم)

Maksudnya: *“Barangsiapa mengerjakan sesuatu pekerjaan yang tiada di dalam agama kami, maka yang dikerjakan itu tertolak.”*

(Riwayat Ahmad dan Muslim)

Di dalam Islam, percaya kepada benda-benda yang dijadikan sebagai benda keramat seperti pokok, kubur, telaga dan sebagainya, serta memuja, memohon pertolongan dan melepaskan nazar pada benda-benda berkenaan dan percaya ianya mempunyai kuasa selain dari Allah SWT adalah membawa kepada syirik dan bertentangan dengan kepercayaan tauhid kepada Allah SWT.

Kepercayaan kepada sial, majal dan beramal dengan mandi, seperti mandi safar, jampi dan sebagainya untuk menolaknya adalah syirik dan merosakkan akidah. Rasulullah melarang keras orang yang mempercayai sial. Sabda Rasulullah SAW:

عن ابن مسعود مرفوعا قال رسول الله صلى الله عليه وسلم: الطَّيْرَةُ مِنَ الشِّرْكِ وَمَا مِنَّا وَلَكِنَّ اللَّهَ يُدْهِبُهُ بِالتَّوَكُّلِ

(رواه ابو داود وأحمد)

Maksudnya: *“Percaya kepada burung itu syirik, percaya kepada burung itu syirik, dan tiada seorang pun dari kita melainkan dilanda oleh perasaan itu, tetapi Allah akan menghilangkannya dengan tawakkal.”* (Burung yang disebut sebagai contoh termasuk seperti biawak, gagak, kelicap)

(Riwayat Abu Daud dan Tarimidzi)